

皇朝文鑑

皇朝文鑑卷第二

賦

皇畿賦

楊

侃

大圃賦

劉

筠

中園賦

晏

殊

明堂賦

范

仲淹

皇畿賦

楊

侃

有賦家者流欲馳名於當世思著詠於神州忽念
前古深懷景慕誦二京於張衡覽兩都於班固於
是輟卷意輒閣筆心伏讓而謂臣請書簡臣辭

不獲已而謂之曰子讀二子之賦而知兩漢都邑
之制宮殿之麗而未知 大宋畿甸之美政化之
始也予幸得職採訪風謠官參儒雅千里之郊圻是
巡八使之輶車斯假若夫大邑名城神臯沃野畫
地可記濡毫可寫至於宮禁之深嚴予未聞也都
城之浩穰衆所覩也是故彼述其內予言其外蓋
萬分之舉一難盡述而備載昔者唐綱不振國鼎
將遷俄梁室之革命啓浚都而應天旣觀法於左
嶠右隴亦取則於西澗東瀍大矣雄圖昭然聖謨
所陳留天下之衝要謂大梁海內之膏腴漢祖得

之則齊楚之敵敗亡相繼咸就擒而即誅梁王守
之則七國之師不敢西向盡爲馘而爲俘實王氣
之長在宜萬世而作都也莫不廣封溝設險固襄
平割宋之美田戴邑裂曹之沃土滑分屬邑之二
城陳減太康之萬戶潁川之鄢陵扶溝滎陽之中
牟陽武咸命落編民於州籍升地圖於天府故得
雄臨九州陋視三輔經營歷於五代法則垂于萬
古 皇宋之受命也 太祖以神武獨斷 太宗
以聖文誕敷平江表破蜀都下南越來東吳北定
并汾南取荆湖是故七國之雄軍諸侯之陪臣隨

其王公與其士民小者十郡之衆大者百州之人
莫不去其鄉黨率彼宗親盡徙家於上國何懷土
之不聞甲第星羅比屋鱗次坊無廣巷市不通騎
於是有出居王畿掛戶縣籍興產植業出賦供役
者矣豈比夫秦遷戶口於咸陽漢徙豪傑於陵邑
魏將實於河南驅冀民而是入也今 聖上之在
東宮也尊以皇儲尹茲京邑視政之初民訟雲集
莫不察之以情僞辯之以曲直發伏禁姦親劓繁
劇旣而桴鼓不鳴豪右斂迹吏不敢欺民用懷德
若乃龍樓曉出奉法謹身教民以事父也親拜師

傳降禮國儲教民以事師也公退則侍講在前出
入則四賓是翼尚老尊學與民爲則是時王畿之
內易俗移風以至正南面居域中由內及外化行
令從是君上德惠素立而政教早崇也若乃銳旅
百營高城千雉孫武教陣吳起撫士其齊如林其
猛如虎手擊利劔足張彊弩躍馬奪槊投石拔距
入則訓練出無征戰身閑賞厚家有餘羨是故擁
彊兵衛近甸如大郡雄藩爲屏爲翰者且有九縣

尉氏咸平陳留雍丘襄邑
太康考城東明陽武也

天設二渠曰蔡曰汴通

江會海紫畿帶甸千倉是興萬庾是建杜預主計

劉晏司漕何貢何輸吳粳楚稻月致百萬猶責其

少漢之太倉積粟紅腐使彼粒而計之未及我斗

量之數成王之庾萬箱以供未若我千艘往來運

江淮而無窮是故備九年之儲充六軍之給當津

處要山積雲入者復有五邑陳留雍丘襄邑尉氏咸平也若乃

惣戎者貴領專城宰邑者上應列星簿既資高尉

亦秩清率兵守戍者五鎮建雄義聲園城馬欄萬勝鎮皆置甲士防守有

使臣掌統騎分巡者兩路府界東西兩路各城皇

之外遊徼四布京城四面巡栢栢八臣是警是護

謂東西兩路洎京城四郊原膺膺春草萋萋邊烽

不警牧馬爭嘶廐空萬櫪野散千蹄陂隅牧南

河

已南縣邑長陂廣野多牧放之地

沙平走西

中年已西地廣沙平尤宜牧馬

一飲

空川一甌空原去如霧散來若雲連地廣馬多古

未有焉若乃任土出於民心獻芹比於古俗園茹

早實時菓先熟瓜重南門第宜脩竹鬻於市兮利

既兼倍進於君兮恩必霑沐時或戴勝降桑螵蛸

未鳴野人登麥以先至蠶婦貢絲而已成別有襄

陵之桃陽夏之柿朱櫻宜於谷林丹杏出於尉民

其或陽鄉千樹之梨扶樂千樹之栗比封千戶之

侯亦何讓於昔日鹹壤宜北鄉之羊野義美東邑

之豕魚鼈鳬鴈之盛西有陂兮萬頃菱茨蓮藕之
美東汭堤兮百里其或仲冬之月禮尚進鮮介麋
素出於逢澤狡兔復多於梁園乃命萊田於虞人
選徒於司馬四校畢陳六飛夙駕何千乘萬騎之
馳騁蒲四通五達之郊野西或過於圃田之藪東
或出於平臺之下乃有孟賁之徒烏獲之類檀弓
而來叱咤而至搏虎兕擊熊豕玄豹逆曳白狐生
致復有負羽從獵之人控弦伏獸之士落孤鴈於
馬首貫雙鵬於雲裏然猶示之以三驅之仁寬之
以一面之網不使獸殫於下禽盡於上何長楊之

獵自謂於禽多雲臺之畋敢誇其地廣哉圖書載
詳境土斯見開封則漢志之名邑今二赤之首冠
祥符則天書之降年易新名於舊縣稊結之入斯
爲近甸若乃百萬衆之分營十二市之環城囂然
朝夕異彼郊坰其東則有汴水之陽宜春之苑向
日而亭臺最麗迎郊而氣候先暖鷺囀何早花
開不晚瞻太一之清宮壯先朝之命工構宇煙霞
之外出俗囂塵之中效仙人之樓居慕老氏之玄
風青青道邊千畝何田端拱之初藉于此焉黛韞
一執青史千年登蓼隄以東望見高臺之百尺居

道之南在岡之北下有廣場可馳可逐 我皇帝

初即寶位大閱軍旅親乘戎輅習戰于此士馬秋
勁甲冑晨整上憑軾以將觀衆無譁而是聽列八
陣之形申三令之語肅將帥嚴部伍頗牧授之以
方略韓彭進之以旗鼓失軍容者戮以徇衆有勇
敢者賞而裂土彼上林之馳射驪山之講武豈可
同日而語哉其南則有崇崇清壇肅肅齊宮卜是
吉土龜從筮從永奉禋祀郊見昊穹燔柴展禮萬
世無窮別有景象仙島園名玉津珍果獻夏奇花
進春百亭千榭林間水濱珍禽貢芳何方怪獸來

兮何鄉郊藪旣樂山林是忘則有麒麟含仁騶虞
知義神羊一角之祥靈犀三蹄之瑞俊猋來於天
竺馴象貢於交趾孔雀翡翠白鵬素雉懷籠暮歸
呼侶曉去何毛羽之多奇罄竹素而莫紀也忽斷
苑牆又連池籞介族千狀沙禽萬類盡游泳而往
來或浮沈而出處柳籠陰於四岸蓮飄香於十里
屈曲溝畎高低稻畦越卒執耒吳牛行泥霜早刈
連春寒種遲春紅粳而花綻簸素粒而雪飛何江
南之野景來輦下以如移雪擁冬苗雨滋夏穗當
新麥以時薦故清蹕而親至輦從千官郊陳萬騎

既觀穫以云罷亦宴犒而後已其西則有池鑿金
明波寒水殿鵠首萬艘而堅浪虹橋一道而通輦
太液無濫觴之深靈沼有潢汙之淺時或薰風微
扇晴瀾始暖命樓舫之將軍習昆明之水戰天
子乃駐翠華開廣宴凭欄檻於中流瞰渺茫於四面
俄而旗影霞亂陣形星羅萬棹如風而倏去千鼓
似雷而忽過則有官名伏飛將號伏波驤江中之
龍避舩下之戈黃頭之郎既衆文身之卒且多類虬
龍而似蛟蜃駭鯨鯢而走鼉鼉勢震動於山嶽聲沸
騰於江河別有浮泛傀儡之戲雕刻魚龍之質應

樂鼓舞隨波出沒鑾輿臨賞以盡日士庶縱觀而
踰月彼池之南有苑何大旣瓊林而是名亦玉輦
而是待其或桂折天庭花開鳳城則必有聞喜之
新宴掩杏園之舊名於是連鑣上死列席廣庭蓋
我朝之盛事爲士流之殊榮一汎如飛通槽架虛
越廣汴湍流之上轉皇城西北之隅貫都注御溝
之口轉漕通廣濟之渠京索導源而干彼金水名河
而在茲其北則瑞聖新名舍芳舊苑四方異花於
是乎見百轉好鳥於是乎聞十洲得景三島分春
延廡之設是名天駟伐大宛以新求涉渥洼而遠

致群驅八駿隊數十驥雖輓粟之千車乃嘗秣之
一費彼沙臺之崔嵬聳佛利之千尺岡阜連延於
西南原田平坦於東北何沙海之飛揚忽到此而
止息莫不地多賢士代出異人何干旄之子子向
浚郊而雲臻雖梁多於長者非安國而不聞過信
陵之祠宇想英風而若存何侯嬴之白首尚抱關
於夷門遇公子之好賢忽柱駕而咨詢既同載而
過市謁隱屠而駐輪果嘉謀之斯得救邯鄲而義
伸奪晉鄙之十萬終自將而却秦設守冢而奉祀
值漢皇之東巡若乃過陳留之故邑訪地名之所

因蓋三留之分別彼彭城而此陳昔赤帝之起義
會子房而于此始錫賢於上天終受封於茲地既
萬戶以建侯亦千年而崇祀千屯北縣之郭郭三
月南河之鄠市何飛梁之新遷惠橫舟之觸柱今
之雍丘古曰杞國民厚風俗土繁貨殖縣之西郊
山曰谷林其或花迎野望煙禁春深景當妍麗俗
重登臨移市景日傾城賞心惺幕蔽野軒蓋成陰暮
而忘歸樂不絕音既同歡於萬室罔惜費於千金
厥篚織文出於襄邑池濯錦以爲名蜀有江而焉
又復有咸平大縣 我家新建因紀年以命號詔

將作而營繕公宇之制甲子畿甸中有大川通關
帶關貫都邑而北來走江湖而南會何客棹之常
喧聚茶商而斯在千舸朝空萬車夕載西出玉關
北越紫塞徵尉氏之名本大夫之邑蓋鄭國之上
田俾獄官而世襲何彼樂郊今爲畿地爰有仁木
應乎嘉瑞二棠合生雙榆連理槐獨秀而通枝木
異類而同氣良宰畫圖而來聞大尹飛章而奏異
莫不召虎殿之宿儒集麟閣之名士驗彼祥經考
乎信史表六合之一家而帝德之光被也加以地
多藪澤利有蒲魚晴瀾望自郛之色山水觀惠民